

## Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et  
Ivstvs, In Mvndo Administrando, Sit Devs, Monstrantibvs**

**Stengel, Georg**

**Ingolstadij, 1647**

§. 9. Ob corporis defectum non esse murmurandum, aut querendum.

[urn:nbn:de:hbz:466:1-51168](#)

gnaretur, & magnopere vociferaretur, nimia  
vocis intentione conuulsa in eo esse interiora  
viscera, venamq; & arteriam quamdam ru-  
ptam dicunt, unde sanguine plurimo profuso,  
vita eum reliquerit, in castello quodam Germa-  
niae, cui Brigitio nomen fuit, decimo septimo  
mensis Nouembris die, quum quinquaginta  
quinque propè annos natus esset, & tredecim  
annis imperium bene admodum & præclare  
administrasset.

## §. IX.

*Ob corporis defectum non esse murmuran-  
dum, aut querendum.*

Mirabile est, Imperatorem, & Imper-  
atorem, qui imperium tam diu *bene ad-  
modum*, & *præclare administravit*, tam re-  
pentino interitu perisse; & perisse, ob-  
dictum, quod multi iocum duntaxat arbit-  
rantur. Sed displicet iure summo archi-  
tecto, si sua opera carpantur. Quis arti-  
fex pati potest, ut illius labores reprehen-  
dantur? Apelles diutiùs sub tabula latere  
non sustinuit, quando animaduertit, suto-  
rem vltra crepidam velle esse carptorem.  
Cur ille immensæ sapientiæ artifex ferat,  
creaturas suas rapi ad censuram? Et tamē  
eiuscmodi Theones quotidie reperiuntur,

qui

qui non solum belluas monstrosas clamant in mundo esse non oportere, quas meritò Deus ad eos terrendos, vel puniendos immittit; neque humana duntaxat monstra detestantur; sed fetè omnia in alijs naturæ vitia venenatis dentibus mordent, ac solatij loco, viceq; olei, acetum aspergunt. Cur loripedem vocas, cui natura non dedit vel duos, vel rectos pedes? cur Vulcanum appellas, quem vides claudicantem? Quare oculis malè affectum Cæciliū nominas? aut visu carentem talpam? Nonnè expedit illi, ut pereat unum *Matth. 5o* membrum illius, quam totum eius *corpus 29.* eat in gehennam? Tunè illum truncum audes vocare, qui brachium amisit in prælio pro patria pugnans? & pro te ipso quoque, quem aiunt nec gladium quidem nudum posse intueri? Non fœdant militem vulnera, sed exornant. In acie stetisse puta, quem vides esse sauciatum. Sed mater, inquies, illum talem genuit, non bellum fecit? Tanto maior est iniuria, si non hominem, sed naturam ipsam calumniaris: quæ si illi oculos dedisset, videret; curreret, si ab illa crura arcuata non accepisset. Potuisses & tu talis nasci. Non meruit à te

conui-

conuicijs proscindi cōmunis illa mater , si erga te se exhibuit liberaliorem. Quod multò magis de Deo naturæ authore etiam dici potest, cui & ingratus es , & blasphemus. *Grauis enim, grauis, inquam, est mur-*

*S. Chrysostomus, & vicinus  
fost hom. 8.in ep.ad  
Philip.* *murator, ait S. Chrysostomus, & blasphemia; alioqui eius gratia illi tantum  
supplicium dederunt? ingratitudo est res ista.*

*Qui murmurat, ingratus est Deo. Qui autem  
Deo ingratus est, blasphemus quoque. Quòd  
si is murmurare non debet, qui defectu  
ipse laborat; quanto plus peccabit is, qui  
defectū talem alteri exprobrat? O quām  
pronæ sunt hominum linguae ad maledi-  
cendum, quæ vbi maxima est materia lau-  
dandi Creatorem, ibi maximè eum con-  
temnunt! Iuniores pueri, seniores bis pue-  
ri, illi imprudentes, isti deliri appellan-  
tur, quasi natura neque infantes, neque  
senes esse permettere debuisset? Quid di-  
cam de cōuitijs nationum? non iam Sau-  
romatas, non Scythes, non Tartaros de-  
vultibus barbaris, de fronte verrucosa,  
de simis naribus vituperamus duntaxat,  
aut Mauros de nigra cute; sed vicinos  
quoque, cum quibus commercia tracta-  
mus, & fœderibus iunctos, quibus non-*

*nomi-*

nominibus & agnominibus contemnimus? alijs ranas, alijs vaccas, alijs asinos, alijs porcos, alijs capros, alijs cancros, alijs alia obijcimus. Quia & regionum vitia in culpam trahuntur; alijs nimis esse graues, alijs nimis leues; alijs iracundi, alijs libidinosi, alijs stupidi, alijs blæsi; alijs voce pingui, alijs exsucci; alijs strumosi; alijs ex Arcadia, alijs ex Bæotia, alijs ex Thessalia nati dicuntur, cum nulli sua patria probro sit. *Ex omni terra par est ad cælum via.* Fortunæ est, in hoc vel illo loco nasci; naturæ nasci cum aliquo corporis vitio, quod quicunque alteri opprobrat, ostendit se mentis vitio laborare. Enimuerò nec stupiditas mentis cuiquam est obijcienda, quēadmodum Scipio Æmilianus fecit, qui apud Numantiam iratus C. Metello dixit: *Si* Eras. I. 6. *quintum pareret mater eius, asinum fuisse pa-* Apoph. *riturā.* Facetiæ sanè numquam sunt magis iniustæ, quam quæ tangunt innocentes. Innocentes autem sunt, quibus sine sua culpa aliquid vel in corpore, vel in ingenio negavit natura. Quare nec Diogenes satis philosophicè caluo cuidam contumelij eum affidenti respondit: *Tibi con-* Maxim. *tumeliam non dico, sed capillos tuos lando,* serm de *quod vituper,*

quod malam effugerint caluam. Quis non  
ridiculam putaret talem irrisiōnem? Sed  
vide, quanti eam fecerit, Deus: cūm Eli-  
sæus in Bethel ascenderet per viam, pueri  
parui egressi sunt de ciuitate, & illudebant ei  
dicentes: Ascende calue, ascende calue. Qui  
cūm respexisset, vidit eos, & maledixit eis  
in nomine Domini: egressijs sunt duo ursi de  
saltu, & lacerauerunt ex eis quadraginta  
duos pueros. Quod si caluitum vitio ver-  
tere adeò est graue, quantum malum erit,  
irridere alterius monstrositatem misera-  
tione longè digniorem? à qua exploden-  
da satis nos deberet terrere, quod im-  
pium sit, Dei opus contemnere.

## C A P V T I V .

Vniuersum Monstris ornari, in Pygmæis  
& Gigantibus ac enormiter fortibus  
ostenditur.

## §. I.

Rebus monstrosis, tanquam oppositis, res non  
monstrosas magis elucessere.



E quis autem existimet, Deo  
caussas non esse, tales vel defe-  
ctus, vel effectus naturæ Mundo  
infe-